

২২তম ‘মেরিন এক্সপিডিশনারি ইউনিট’ বাংলাদেশে প্রথম সামরিক ত্রাণ সরবরাহ করেছে

ইউএসএস কিয়ারসার্জ, ২৪শে নভেম্বর -- আজ যুক্তরাষ্ট্রের জাহাজ কিয়ারসার্জ-এর ফ্লাইট ডেক থেকে দুটি মেরিন হেলিকপ্টার যুক্তরাষ্ট্র সামরিক বাহিনীর প্রথম ত্রাণ হিসাবে বোতলজাত খাবার পানি নিয়ে বাংলাদেশের ঘূর্ণিবাড় উপদ্রুত এলাকায় ত্রাণ সরবরাহ করে। ৭৫০ গ্যালন বিশুদ্ধ খাবার পানির এই সরবরাহটি বাংলাদেশের দক্ষিণাঞ্চলীয় জেলা বরিশালের একটি ত্রাণ বিতরণ কেন্দ্রে পৌছে দেয়া হয়।

২২তম ‘মেরিন এক্সপিডিশনারি ইউনিট’ (এমইইউ)-এর CH-46E হেলিকপ্টারটির পাইলট ক্যাপ্টেন অ্যান্ড্রু ট্রেনর বলেন, “আমি খুবই আনন্দিত। এই মিশন দেখাতে পারে যে যুক্তরাষ্ট্র সামরিক বাহিনী মানেই শুধু যুদ্ধ নয়, আমরা এখানে এসেছি মানুষের সেবা করতে।”

কিয়ারসার্জ এবং ‘২২তম এমইইউ (এসওসি)’ বাংলাদেশের উপকূলবর্তী এলাকায় পৌছায় ২৩শে নভেম্বর সকালে। এই ৩,৫০০ মাইলের সুদীর্ঘ যাত্রাপথে জাহাজে অবস্থানরত নৌ-সেনা এবং নাবিকেরা বিভন্ন উপকরণ করীক্ষা-নিরীক্ষা করে দেখে, যে সকল মালামাল ত্রাণ কাজে সরবরাহ করা হবে সেগুলোকে সঠিক অবস্থানে রাখে এবং মানবিক সহায়তা কার্যক্রমে অংশ নেয়ার প্রস্তুতি নেয়।

‘২২তম এমইইউ (এসওসি)’-এর কর্ণেল ডাগ স্টিলওয়েল বলেন, “এটি আমাদের ত্রাণ কার্যক্রমের শুরু মাত্র। এখনো আরও অনেক কাজ বাকি। বাংলাদেশ সরকার, সেনাবাহিনী ত্রাণ কাজে নিয়োজিত সংস্থাগুলোকে সাথে নিয়ে পরিস্থিতি মোকাবেলা করছে। আমাদের কাজ সেই ত্রাণ কার্যক্রমকে আরো জোরদার করবে।”

বাংলাদেশ সরকারকে যুক্তরাষ্ট্র সামরিক বাহিনীর সাহায্য সহযোগিতার চিত্রাতি তুলে ধরার জন্য যুক্তরাষ্ট্র প্যাসিফিক কম্যান্ড-এর অধিনায়ক অ্যাডমিরাল টিমোথি কিটিং এবং ‘থার্ড মেরিন এক্সপিডিশনারি ব্রিগেড’-এর কম্যান্ডিং জেনারেল ব্রিগেডিয়ার জেনারেল রোনাল্ড এল. বেইলি-র নেতৃত্বে যুক্তরাষ্ট্র সামরিক বাহিনীর একটি গুরুত্বপূর্ণ প্রতিনিধি দল বাংলাদেশ সেনাবাহিনী, যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) এবং যুক্তরাষ্ট্র দূতাবাসের প্রতিনিধিদের সাথে দেখা করেছেন। টাঙ্ক ফোর্স ৭৬-এর অধিনায়ক রিয়ার অ্যাডমিরাল ক্যারল এম. পটেঙ্গার-এর নেতৃত্বে কিয়ারসার্জ-এর একটি প্রতিনিধিদল গতকাল সকালেই বিমানযোগে ঢাকা এসে পৌছান।

কর্ণেল স্টিলওয়েল বলেন, “সমস্ত পক্ষই একমত হয়েছে এই কার্যক্রমটি কিভাবে এগিয়ে নিয়ে যাওয়া হবে সেই বিষয়ে। আর যাতে কোন প্রাণহানি না ঘটে এবং জনগণের দুর্ভোগ কমানোর জন্য আমরা সর্বোচ্চ সাহায্য-সহযোগিতা দিতে চাই।”

‘২২তম এমইইউ (এসওসি)’ গঠিত হয়েছে ‘এভিয়েশন কমব্যাট এলিমেন্ট’, ‘মেরিন মিডিয়াম হেলিকপ্টার স্কোয়াড্রন ২৬১’, ‘গ্রাউন্ড কমব্যাট এলিমেন্ট’, ‘ব্যাটালিয়ন ল্যাভিং টিম’, ‘থার্ড ব্যাটালিয়ন’, ‘অষ্টম মেরিন রেজিমেন্ট’, ‘লজিস্টিক্স কমব্যাট এলিমেন্ট’ এবং ‘কমব্যাট লজিস্টিক ব্যাটালিয়ন ২২’-এর সমন্বয়ে।
প্রত্যেকটি ইউনিটকে ৬ মাসের মোতাবেন করা হয়েছে।

সর্বশেষ পরিস্থিতি জানার জন্য www.1.apan-info.net পরিদর্শন করতে পারেন।

ক্যাপ্টেন ট্রেনরের সাক্ষাত্কারের অডিও এবং এই অভিযানে অংশগ্রহণকারী অন্যান্য ক্রুদের ছবি এবং অডিও ইন্টারভিউ এর জন্য www.22meu.usmc.mil এই ওয়েবসাইট পরিদর্শন করতে পারেন।

=====

জিআর/ ২০০৭